



Inatsisartuni ilaasortaq
Anthon Frederiksen
Partii Naleraq

**Pinerluuteqarsimasunik inssiisarfimmiittut pillugit § 37 naapertorlugu
apeqquteqaat nr. 89-imut akissuteqaat**

13-04-2016
Sags nr. 2016 - 5940
Akt. nr. 2496748

Asasara Anthon Frederiksen

Pinerluuteqarsimasunik inssiisarfimmiittut pillugit apeqquteqaatinnut qujanaq.

Postboks 1614
3900 Nuuk

Tlf. (+299) 34 50 00
Fax (+299) 34 54 10

Apeqquitiit matuma kinguliani akissuteqarfigaakka.

E-mail: paian@nanoq.gl
www.naalakkersuisut.gl

**1. Pinerlussimasunut inssiisarfinni inissinneqarlutik
pineqaatissinneqarsimasut inuiaqatigiinnut pitsaasumik
akuulerseqqinnissaat pillugu suliniarneq sumut killippa?**

Pinngortitamut, Avatangiisinut Inatsisinillu Atuutsitsinermut Naalakkersuisoqarfik isumassarsiorfissaminik Inatsisinik Atuutsitsinermut Ministereqarfimmut pissarsiniarpoq, tassangaanniillu imatut akissuteqartoqarpoq:

"Inatsisinik Atuutsitsinermut Ministereqarfik Pinerluuteqarsimasunik Isumaginninneq pillugu Pisortaqarfiup oqaaseqaataanik akissuteqarnissamut atugassaminik pissarsiniarpoq, tassangaanniillu Kalaalit Nunaanni Pinerluuteqarsimasunik Isumaginnittoqarfiup oqaaseqaataa una pissarsiarineqarpoq, taannalu innersuussutigineqarpoq:

'Kalaallit Nunaanni pinerluuteqarsimasunik inssiisarfimmut inssiisarneq 1963-imi pinerluttulerinermi pineqaatissiissutitut atuutilermalli, pineqaatissinneqartut inissinneqarnerminni inuiaqatigiinni inuunermut nalinginnaasumut mattunneqannginnissaat pingaarnertut isumaasimavoq. Tassalu inssitat inssiisarfimmiinnerminni ilaatigut inssiisarfiup avataani sulinermikkut ilinniarnermikkulluunniit inuiaqatigiinnut akuuerminnik ingerlatsiinnarnissaat aallaavigineqarpoq, tak. pinerluttulerinermi inatsimmi § 211.

Inuit inunnik ulorianartorsiorfitsillutik sakkortunerusumik pinerluuteqarsimallutik pineqaatissinneqarsimasut, inatsisinik atuutsitsineq tunngavigalugu inissinneqarnermi siusissukkut anisinnaatitaanissaq naapertuutinnigippat, inissinneqarnermik aallartinnerani inssiisarfiup avataani sulisinnaanissamut ilinniarsinnaanissamullu akuerineqarsinnaanngillat. Inissinneqarsimasut taakku inssiisarfimmi, imaluunniit inssiisarfimmi sulisunit aqunneqarlutik nakkutigineqarlutillu killilimmik inssiisarfiup avataani sulinissamut ilinniarnissamullu periarfissaqartinneqarput. Maannarpiaq atortuni elektroniskiusuni

periarfissarititaasut atorlugit inissinneqarsimasut ungasianiit
ilinniartitaasinnaanermik neqeroorfigineqarsinnaalernissaat
ineriartortinneqarpoq. Inissiisarfimmi neqeroorutit taaneqartut aqputigalugit
aamma inissinneqarsimasut ilisimasaminnik piginnaasaminnillu
pigisaqaannarnissamut ineriartortitsinissamullu periarfissaqarput,
iperagaanermik kingorna imminnut ikiorsinnaanissamut pitsaaneruseqarput
piareersarsinnaanissaat siunnerfigineqarluni.

2013-imili ukiakkut inissiisarfii ilaanni pilersaarummut immikkut ittumut,
Mumik-mik (allannguinnissamut aqputissaq) taaneqartumut
peqataanissamut periarfissiisoqarpoq. Pilersaarummi inissinneqarsimasut
namminneerlutik allannguinnissaminnik suliaqarneranni
isumassarsiorneqarnissaat tapersorsorneqarnissaallu siunertarineqarpoq,
tassungalu inissinneqarsimasut nammineerlutik nukissaminnik
pissinnaasaminnillu iperagaanerminni sullivimmut ilaqutariinnullu
uternissaminnut piareersaataasumik ineriartortitsinissaminnik
ilisimasaqarnerulernissaat ilaatinneqarpoq. Pilersaarummi peqataasut
ataasiakkaarlutik ajornartorsiutiminnik suliaqarnissamut periaasissanik
ersarissunik sunniutilinnillu ilitsersuunneqassapput – tassalu periaatsit
misilerarneqarsinnaasut.

Mumik sapaatit akunnerini sakkortuumik pikkorissartitsinertut
ingerlanneqassaaq, sapaatit akunnerannut marloriarluni nalunaaquttap
akunneri marluk, tassalu katillugit 32-t ilinniartitsisoqartassalluni
(ataatsimoortunik 16-inik naapitsitsisarneq). Inissitat qaammatit marluk
sinnerlugit inissiisarfimmiittussat siunnerfigineqarput. Mumik-mut
peqataanissaq nammineq kajumissuseqarnermik tunngaveqarpoq.

Pilersaarut 2014-imi pitsaasutut nalilerneqarpoq, tamatumalu kingorna inuit
ataasiakkaarlugit pikkorissartitsinermik ineriartortitsisoqarpoq”.

**2. Pinerlussimasunut inissiisarfinni inissinneqarlutik
pineqaatissinneqarsimasut pinerloqqinnginnissaat anguniarlugu
suliniartoqarpa?**

Inussiarnersumik apeqqut 1-imut akissut takoqquneqarpoq.

**3. Pinerlussimasunut inissiisarfinni inissinneqarlutik
pineqaatissinneqarsimasut ineqarnermut nerisaqarnermullu
akiliuteqartinneqartarpat?**

Pinngortitamut, Avatangiisinut Inatsisinillu Atuutsitsinermut Naalackersuisoqarfik
isumassarsiorfissaminnik Inatsisinik Atuutsitsinermut Ministereqarfimmut pissarsiniarpoq,
tassanngaanniillu imatut akissuteqartoqarpoq:

”Inatsisinik Atuutsitsinermut Ministereqarfik Pinerluuteqarsimasunik Isumaginnineq pillugu Pisortaqarfiup oqaaseqaataanik akissuteqarnissamut atugassaminik pissarsiniarpoq, taannalu innersuussutigineqarpoq:

’Pinerluttulerinermi inatsimmi § 244-mi allassimavoq, inissiisarfimmiitineqartoq, inissiisarfimmi imaluunniit inissiisarfiup avataani isertitaqarfigisaminik suliaqartoq, imaluunniit inuuniarnermini pisortanit tapiiffigineqartartoq inissiisarfimmiinnerminut akiliisartussaasoq. Pinerluuteqarsimasunik inissiisarfiup sullissiviini najugaqarnermut akiliuteqartarneq pillugu nalunaarummi nr. 1170-imi, 7. december 2009-meersumi tamatumunnga maleruagassat sukumiinerusut aalajangersarneqarput. 2016-imi najugaqarnermut akiliut nal. ak. suliffiusumut ataatsimut 26,50 koruuniuvoq, taamaattorli sap. ak. annerpaamik 1.060,08 koruuniussalluni, tak. Kalaallit Nunaanni pinerluuteqarsimasunik isumaginnittoqarfiup sullissiviini inissisimatineqartunut akissarsiarititanut il.il. akit pillugit nalunaarummi nr. 1490-imi, 7. december 2009-mersumi § 3.

Inissitat isertitaqaatigisaminik suliaqanngitsut imaluunniit pisortanit tapiiffigineqarneq ajortut najugaqarnerminnut akiliisanngillat.”

4. Pinerlussimasunut inissiisarfinni inissinneqarlutik pineqaatissinneqarsimasut, sulinikkut allatigulluunniit nammineerlutik aningaasarsiorsinnaanermut periarfissinneqartarpat?

Pinngortitamut, Avatangiisnut Inatsisinillu Atuutsitsinermut Naalackersuisoqarfik isumassarsiorfissaminik Inatsisinik Atuutsitsinermut Ministereqarfirmut pissarsiniarpoq, tassanngaanniillu imatut akissuteqartoqarpoq:

”Inatsisinik Atuutsitsinermut Ministereqarfik Pinerluuteqarsimasunik Isumaginnineq pillugu Pisortaqarfiup oqaaseqaataanik akissuteqarnissamut atugassaminik pissarsiniarpoq, tassanngaanniillu Kalaallit Nunaanni Pinerluuteqarsimasunik Isumaginnittoqarfiup oqaaseqaataa una pissarsiarineqarpoq, taannalu innersuussutigineqarpoq:

’Pinerluttulerinermi inatsimmi § 210 naapertorlugu inissinneqarsimasoq piffissami inissiisarfimmiiffigisamini sulinissamut pisinnaatinneqarpoq pisussaatinneqarlunilu, aammalu ajornartinnagu inissiisarfiup avataani sulissaaq, tak. pinerluttulerinermi inatsimmi § 211. Tamatumanili inissiisarfimmiitineqartup anisinnaanissamut akuerineqarnissaa piumasarineqarpoq. Ulluunerani suliartorluni anisinnaanissamut ilaatigut piffissap inissiisarfimmiiffiusup qulerarterutaata, minnerpaamilli sapaatit akunnerisa sisamat, qaangiussimanissaa, aammalu aninissamut akuersissut atonerlunneqarsinnaassanngitsoq naliliisoqarsimanissaa piumasarineqarpoq. Kisiannili inuit inunnik ulorianartorsiortitsillutik sakkortunerusumik pinerluuteqarsimallutik pineqaatissinneqarsimasut, inatsisinik atuutsitsineq tunngavigalugu inissinneqarnermi siusissukkat anisinnaatitaanissaq naapertuutinnngippat, aatsaat kingusinnerusukkat inissiisarfiup avataani sulinissamut anisinnaatitaalernissamik

akuerineqarsinnaapput. Inissiisarfiup avataani sulineq nalinginnaasumik sulisitsisumi atorfeqarnertut akissarsiaqarfiusarpoq.

Pisuni ataasiakkaani siunertamut naapertuuppat, sulinissamut pisussaaffeqarneq, inissiisarfimmit nakkutigineqarluni ingerlanneqartumik nammineerluni sulinikkut naammassineqarsinnaavoq, tak. pinerluuteqarsimasunik isumaginnittoqarfiup sullissiviinut inissinneqarsimasut sulisarnerat ilinniartarnerallu il.il. pillugit nalunaarummi nr. 1156-imi, 7. december 2009-meersumi § 1.”

5. Maannakkut pinerluuteqarsimallutik pinerlussimasut inissiissarfiini inissinneqarsimasut qassiuuppat? qassillu inissinneqarnissaminnut utaqqippat?

Pinngortitamut, Avatangiisinut Inatsisinillu Atuutsitsinermit Naalakkersuisoqarfik isumassarsiorfissaminik Inatsisinik Atuutsitsinermit Ministereqarfimmut pissarsiniarpoq, tassangaanniillu imatut akissuteqartoqarpoq:

”Inatsisinik Atuutsitsinermit Ministereqarfik Pinerluuteqarsimasunik Isumaginninneq pillugu Pisortaqarfiup oqaaseqaataanik akissuteqarnissamut atugassaminik pissarsiniarpoq, taannalu innersuussutigineqarpoq:

’Ilisimatitsissutigineqarsinnaavoq, 2013-imi ukiap kingorna inissiisarfinnut inissinneqarnissamut allattorsimaffimmi utaqqisoqarsimangimmat. Aamma Kalaallit Nunaanni Pinerluuteqarsimasunik Isumaginnittoqarfimmit ilisimatitsissutigineqarpoq, 17. marts 2016-imi inissiisarfinnut inissinneqarsimasut 123-iusimasut, taakkulu tigummigallarneqartunut 36-nut pineqaatissinneqarsimasunullu 87-inut agguagaapput.”

Inussiarnersumik inuulluaqqusillunga

Mala Høy Kúko